

衛輝府志三十二

人物志

文苑

漢

賈護字季平黎陽人尹更始以左氏春秋授胡常常授護
哀帝時待詔爲郎授蒼梧陳欽子佚及劉歆并有聞於時
由是言左氏者必本賈護劉歆

濬縣志

晉

成公綏字子安幼而聰敏博涉經傳性寡欲不營資產家
貧歲飢晏如也少有俊才詞賦甚麗閒默自守不求聞達

衛輝府志

卷三十二

文苑

一

時有孝烏集廬舍綏謂其有反哺之德以爲祥禽乃作賦
以美之張華雅重綏每見其文嘆服以爲絕倫薦之太常
徵爲博士歷秘書郎轉丞遷中書郎所著詩賦雜筆十餘

卷行於世

晉書列傳

梁

范岫字懋賓早孤事母以孝聞仕齊爲太子家令沈約輩
服其該博入梁累遷禮部尚書金紫光祿大夫岫恭敬嚴
恪進止以禮自親喪後蔬食布衣以終身所著有禮論雜

議字訓行於世二子褒偉

梁書列傳

江淹字文通父康之長沙令雅有才思淹少嘗慕司馬長

卿梁伯鸞之爲人不事章句之學起家南徐州從事轉朝請宋建平王景素好士淹隨之尋舉南徐州秀才對策上第再遷府主簿及齊高帝輔政沈攸之作亂高帝謂淹曰天下紛紛若是君謂何如淹曰昔項強而劉弱袁衆而曹寡羽卒受一劍之辱紹終爲敗北之俘此所謂在德不在鼎公何疑哉累官御史中丞彈中書令謝朓等及諸郡官長多被勘內外肅然明帝謂曰自宋以來不復有嚴明中丞君今日可謂獨步矣累遷秘書監侍中初淹年十三時孤貧嘗採薪以養母於樵所得貂蟬一具其母曰汝之休徵也汝才行若此豈長貧賤可留待得侍中著之至是

衛輝府志

卷三十二

文苑

二

果如母言後封臨沮縣伯改封醴泉侯卒諡曰憲有詩賦行於世子薦嗣

梁書列傳

江蒨字彥標敦之子幼聰警爲廬陵王主簿居父喪以孝聞累遷建安內史入梁爲尙書吏部郎右將軍蒨方雅有風格僕射徐勉權重蒨與見禮不爲之屈撰江右遺典三十卷未就卒諡曰肅

梁書列傳

蔡大寶仕蕭詧爲侍讀兼掌記室詧稱帝進侍中位柱國封安豐侯大寶性嚴整有智謀雅達政事文辭瞻速次子延素有器識博涉經籍尤善當世之務

考城縣志

陳

蔡凝字子居有文詞尤工草隸陳大建元年累遷太子中書舍人以名公子尚信義公主拜駙馬都尉中書侍郎遷晉陵太守尋授吏部侍郎凝才爲時重後主嗣位置酒歡甚將移晏宏範宮衆人咸從凝與袁憲不行因左遷王府長史乃嘆曰夫子云樂天知命斯理庶幾可達因著小室賦以見志陳亡入隋道病卒

陳書列傳

蔡景歷字茂世祖點梁尚書左右侍郎父大同岳陽王記室叅軍景歷少俊爽有孝行家貧好學工草隸爲海陽令有能名陳武帝鎮朱方以書邀之授征北府記室叅軍及受禪遷秘書通事舍人文帝卽位以定策遷太子左衛率

衛輝府志

卷三十二

文苑

三

進爵新豐縣侯累遷度支尚書卒贈太常卿諡曰忠敬配享武帝廟庭景屬文不尚雕琢長於序事有文集二十卷

子徵嗣

陳書列傳

江總字大總紆之子七歲而孤依於外氏聰敏篤學手不釋卷年十八解褐王府叅佐遷尚書殿中郎梁武帝覽總正官述懷詩深見嗟賞轉博士郎尚書僕射太子中書舍人侯景寇建康詔以總權兼太常卿守山廟臺城陷總避難至會稽憩龍華寺乃制修心賦畧詳時事及元帝平侯景徵爲始興內史會魏克江陵不行自此流寓嶺南天嘉四年以中書侍郎徵還朝直侍中省掌東宮管記累遷兵

部尚書轉太子詹事至禎明二年卒 陳書列傳

隋

王孝逸通五經尤長於書國子學請爲書學博士蘇威愛

其才屬盧愷以爲其府參軍 濬縣志

唐

王恭少篤學教授鄉閭弟子數百人貞觀初召拜大學講

三禮別爲義證甚精博蓋文懿文達皆當時大儒每講徧

舉先儒義而必暢恭所說焉 書列傳

崔日知日用從兄孤貧力學擢明經至兵部員外郎爲朔

方判官以健吏稱遷洛州司會醮王重福之變官司迹日

衛輝府志 卷三十二 文苑 四

知獨率吏卒助屯營擊賊以功加銀青光祿大夫署官太

常卿兄弟皆以文學知名 唐書崔日用列傳

崔宗之日用子襲封齊國公好學寬博有風檢與李白賀

知章等爲八仙之遊杜甫爲賦飲中八仙歌由侍御史謫

官金陵與白詩酒唱和常月下乘舟自采石達金陵 唐書崔日用傳

日用列傳

崔良佐日用從弟擢明經甲科補湖城主簿以母喪遂不

仕治詩易書春秋譏演範志象渾天等論數十篇隱共北

白鹿山之陽卒門人共諡曰貞文孝父 唐書列傳

鵬字元翰良佐子舉進士博學宏辭賢良方正皆

召拜禮部員外郎 叅秉政引知制誥 訓詞温厚有典
誥風然性剛褊不能 於世罷爲比部郎中其好學至

老不倦

思精緻馳騁班固蔡邕間年七十餘卒

唐書崔良佐列

謝偃貞觀初應詔對策高第歷高陵主簿太宗幸東都方
穀洛壞洛陽宮詔求直言偃上書陳得失帝嘉之引爲宏
文館直學士聞其善賦召見帝先爲序頗言天下乂安功
德茂盛授偃偃緣帝命爲述聖賦甚寓規諷又獻惟皇誠
德賦帝皆善之時李百藥工五言詩偃善作賦人稱爲李
詩謝賦有集十卷又嘗著括地志

唐書列傳

衛輝府志

卷三十二

文苑

五

宋

魏昭亮字克明咸信之子幼未名太宗召入禁中命賦賞
花詩詩成上之太宗大悅因賜今名歷拜西上閤門使進
秩東上上言閤門舊儀制未當乃詔與白文肇同加詳定
旣成賜白金百兩又建議設儀石於內殿加領恩州團練
使遷四方館使兼掌賓客省卒贈貝州觀察使子餘慶供

備庫副使

舊府志

賀鑄字方回孝惠皇后族孫長七尺面鐵色睂目聳拔談
當世事可否不少假借雖貴要權傾一時小不當意極口
詆之無遺辭人以爲近俠博學強記上語言深婉嚴密如

次組繡尤長於度曲掇拾人所棄遺少加隲括皆爲新奇
嘗言吾筆端驅使李商隱温庭筠奔命不暇諸公貴人多
客致之非所欲見不爲貶也時米芾以魁岸奇譎知名鑄
以氣俠雄爽適相先後二人每相遇瞋目抵掌論辯鋒起
終日各不能屈少爲武吏元祐中李清臣奏授通直郎通
判泗州又倅太平州竟以尙氣使酒不得美官悒悒退居
於吳稍務引遠世故無復軒輊如平日家藏書萬餘卷杜
門較讐以遂其老所爲詩詞極爲時輩所推服黃廷堅嘗
寄以詩云解作江南斷腸句只今唯有賀方回晚號慶湖
遺老有慶湖集二十卷

宋書列傳

衛輝府志

卷三十二

文苑

六

元

王惲字仲謀父天鐸以律學仕金爲戶部主事惲有操履
端方好學善屬文中統元年左丞姚樞宣撫東平辟爲詳
議官時省部初建令諸路各上儒吏能理財者一人惲以
選至京師上書論時政擢爲中書省詳定官轉翰林修撰
同知制誥兼國史院編修官尋兼中書省左右司都事治
錢穀擢材能議典禮考制度咸究所長至元中建御史臺
首拜監察御史知無不言論列凡百五十餘章時都水劉
最交結權勢任用頗專陷沒官糧四十餘萬石惲劾之暴
其姦利權貴側目秩滿授平陽路總官府判官初絳之太

平縣民有陳氏者殺其足行賂緩獄蔓引逮繫三百餘人至五年不決憚徒鞠卽得其實乃盡出所逮繫者時絳久旱一夕大雨奉命試儒人於河南除河南北道提刑按察副使尋改置諸道制下遷燕南河北道按部諸郡臧吏多所罷黜拜行御史臺治書侍御史不赴裕宗在東宮憚進承華事畧二十篇裕宗善之令諸皇孫傳觀稱其書宏益居多改山東東西道提刑按察副使在官一年得疾還衛旋以左司郎中召因右丞盧世榮方以聚斂進用屢趣不赴或問之曰力小任大剝衆利己未聞能全者遠之尙恐見浼况可近乎旣而人服其識授福建閩海道提刑按察

衛輝府志

卷三十二

文苑

七

使黜官吏貪污不法者凡數十人察繫囚之寃滯者決而遣之創營室居戍兵不令擾民家行省討劇賊不效特陳規取方畧以福建爲邊徼重地民情輕詭官吏貪殘往往蟻附山寇兵士致討復蹂踐之非朝廷一視同仁之意進言宜選清望素著文能撫綏武足折衝者爲平章左丞使鎮靜之召至京師又上萬言書極陳時政授翰林學士成宗卽位獻守成事鑑十五篇加通議大夫知制誥同修國史纂修世祖實錄因集聖訓六卷上之進中奉大夫乞休不許再上章求退遂授其子公孺爲衛州推官以便養仍官其孫筈秘書郎仲子公儀廕授同知磁州季子公說衛

輝路學正曾孫遜志自有傳大德八年六月卒年七十八
贈翰林學士承旨追封太原郡公諡文定其著述有相鑑
五十卷汲郡志十五卷承華事畧中堂事記烏臺筆補玉
堂嘉話並雜著詩文合爲一百卷名秋澗集行於世
元史列傳
盧亘字彥威博學有儁才工詩賦英聲逸韻彪炳一時仕
至翰林待制
汲縣志

明

劉希曾字汝唯祖聰從太祖有功授百戶希曾幼遊郡庠
選貢太學教授周藩以詩名於中州有墓在孟姜女河西
岸郡人郭寶撰碑畧云志學不倦嘗以古君子自期文宗

衛輝府志

卷三十二

文苑

八

宋體得曾子固之傳詩步元律接薩天錫之韻爲人愿而
慤雅而懿謀而能忠交而克敬信人而不逆其詐教士而
尤恤其貧問疾弔喪不遠千里輕財重義不惜千金迹其
行已在伯高季良之間
汲縣志

馬良字睂五少善屬文才思藻麗永樂戊戌成進士授翰
林院庶吉士歷陝西提學僉事振興文教士風丕變祀鄉

賢

新鄉縣志

王慕祥字承休原籍獲嘉後徙睢州因以獲嘉爲號性至
孝勵志讀書以大儒自期年二十四入郡庠端莊凝重履
繩蹈矩對妻孥如賓客以移風易俗爲己任嘗設壇集里

中子弟講孝經小學風雨寒暑不愆期游其門者百餘人
嚴立課程先德行而後文藝稍軼卽嚴訶之人所行非義
有潛自改悟者曰慮爲王先生知也金忠節鉉建言削籍
省親至郡見慕祥嘆曰伊川之流也令諸弟皆從學焉所
著有良明山房文集聞見錄諸書皆根極理道多所發明

獲嘉
縣志

毛麟之號青巖正德己卯與弟鴻之同舉於鄉庚辰成進
士歷行人監察御史運司運同所著有抱甕餘吟草堂隨
筆等集行世

汲縣志

蔡濟宏治間以歲貢任清水訓導提學楊一清重其才行

衛輝府志

卷三十二

文苑

九

擇附近州縣學生之秀出者送清水就學經其指授文章
俱有可觀一時所造就甚衆

汲縣志

孟思字正甫別號龍川警敏英偉博極羣書爲古文辭下
筆千言立就聲稱籍甚一時鉅公如侍御倪公宗岳憲副
劉公秉鑑行縣輒造其廬舉嘉靖乙酉鄉試屢不第授南
陽府倅未之官卒人咸惜之生平性剛正重廉節篤於友
道豁達坦易有康濟具而厄於時命著有龍川文集子華
平淹博宏通剖析經史多前人所未發長於詩賦尤工晉

字所著有春圃集

濬縣志

盧柟字次梗一字子木世居濬之淇門鄉家世業農少

才敏讀書一再過終身不忘爲太學生上舍數應鄉試不售因鬱鬱歸柎好古文辭不能俯就繩墨以故試不售而聲稱奕奕在薦紳間然跣弛不問治生產好遊行飲酒輒醉醉則曼罵坐客而又豪歌詩當所得意下筆數千言立就客 指遁其遊太學歸過魏博申考功握手嘆曰太學無人柰何濬令慕其才語柎過飲日暮柎候之不來斗酒自勞遂至酩酊令至不能具主賓禮令恚去忘何柎干擷其役夫得所盜麥榜之夜雨墻傾役夫殞仇柎者咸搆於令令蓄前怒因論當抵坐繫獄柎感慨折節著幽鞠放招賦以自廣故人謝榛先生攜柎賦游京師貴人間曰天

貞郡臺把臂爲布衣交恨相見晚也世貞序其賦畧旣別世貞去南游金陵依陵光祖禿吳歷越覽名山大川

落魄嗜酒病三日卒著有蠅螻集行於世

明史謝榛傳

耿如琦字楚陽萬歷甲午舉人性和平坦易博學能文鄉居教授多所成就初仕華陰令改壽陽政尙寬恕不事威嚴人多思之卒於官所著有聲韻指南等書

滑縣志

趙產字愛堂萬歷壬午舉人忠厚謙退有古人風雅意著述不與戶外事鄉里皆稱其賢所著有寤書笑助三一吟等書

滑縣志

郭野字樸菴歲貢生留心正學晚年兩目俱盲獨心服尤

衛輝府志

卷三十二

文苑

十一

西川先生之爲人構得所著命二子讀而聽之冲然自得好學之心老而彌篤

輝縣志

秦衛周字維翰號蘭亭爲邑貢生博極羣書善古今文辭兼工書畫爲河北知名士彰衛懷三郡科甲之選多出其門卽遠省不鮮負笈者然性情高迥浩落有古狂士風不以進取爲念嘗試棘圍七藝成輒隨意作畫人無不爲悵惜秦笑曰吾特遊戲耳何怪焉其畫至今傳流片緝千金

輝縣志

孫徵蘭淇縣人博學善詩萬歷乙卯舉河南鄉試第二壬戌成進士初授行人轉監察御史立朝卓有風采尋陞

川叅議分守川南備邊有方畧後告病家居累薦不起以詩 歷名勝多所 詠 仙集子隆孫順治辛

卯舉人

名至今

稱

族焉

採訪事實

國朝

許

父經邦讀書深造有得作梅奉庭

訓

有聲崇禎庚辰成進士授行人壬午分校北闈所

拔多奇士甲申流寇陷京師有說之受官者不從乃委葬

懷宗至昌平發

妃壙用其槨磨二磚大書大明崇禎皇

帝梓宮置墓中間道走西山隱蘇門

國朝乙酉徵詔入

京補原官

授工科給事中疏糾輔臣失職不報自請罷

衛輝府志

卷三十二

文苑

十二

歸壬辰起用補吏科轉工科典甲午浙江鄉試稱得人行視河漕底績陞兵科都給事中糾彈不避權貴前後凡五十餘疏直言敢諫朝野偉之陞太僕寺少卿省親歸里構園亭爲娛親地情切桑梓多所蠲滌年五十七卒所著有奏疏詩文集行世

新鄉縣志

孫淦字靜紫號擔峯望雅長子聰明異常年十一卽能彈

琴賦詩讀書別有領會中歲成進士官中翰丁父艱不復

起取祖父遺書抄錄玩索刊以行世卒年六十一康熙四

十年祀鄉賢所著四書醒義多前人所未發擔峯詩四卷

遊記四卷行世文集六卷藏於家

輝縣志

行素字居易順治乙酉舉人居父喪盡禮事母凶年不
缺甘旨幼弟被掠親訪晉地得之厚酬收養者而歸晚
益嗜學沉酣典籍孫徵君奇逢銘其墓曰君子之藏著有
客燕草亦在園集子振能嗣仲軾子後

獲嘉縣志

馮伯鉉字明舉生而聰穎初就外傳日記數百言十七舉
茂才首順治甲午以廩生選拔貢成均屢困場屋鬱鬱不
得志嘗從睢州湯司空安陽許司馬講學咸稱其穎悟絕
人晚年究心韻學病釋氏旁門之謬著等韻歸宗行世

獲嘉

縣志

李中節字合符歲貢生受業於夏峯孫徵君博學強識爲

衛輝府志

卷三十二

文苑

十三

文落落數千言以汲邑向無志偕諸及門銳意搜討著附
郭考後邑令佟國瑞吳干將相繼纂輯志乘卒賴以成書

汲縣志

李芳辰字穀旦景賢曾孫少穎敏長益肆力於學經史而
外諸子百家靡不涉歷中辛卯科舉人己亥成進士選奉
新令旋歸里丁丑纂修邑乘論列古今品題人物藉其力
爲多郡守胡公有家傳大易則通蠹食數頁辰爲補續胡
公歸覓原本校之無一字訛博聞強記人所罕及

汲縣志

邢若鵬字南溟都御史冕十一世孫也少穎悟博聞強記
乙酉鄉舉第一邑自有科目來若鵬始冠多士又與冕先

後捷兩朝首榜士林榮之丁亥成進士任江西新昌令

新鄉

縣志

張來旬字毅庵紳彥之孫英敏好學經史古文每一目數行下天性敦朴爲人恬淡冲穆尤厚於宗族率衆捐置祭田立時祭會爲公賀公奠法立家社以課子弟康熙辛卯舉於鄉猶濡首詩書連 不出戶牖手鈔至數十卷來學者日益衆邑令聘爲塾師教以立品爲先一時獲雋者多出其門著有四書講義若干卷

新鄉縣志

趙作楷字東山邑廩生爲文不徇時好矢志邱索鄉大夫家藏秘籍百計求之尤工詩歌蕭瑟踈爽得宋人遺意庚

衛輝府志

卷三十二

文苑

十四

午與同里劉孳標許爾梅分修邑志多出其手

新鄉縣志

郭培容字涵若生而聰俊過人不屑與羣兒伍年十五入邑庠與叔父晉熙同學常以先人宗伯大叅兩公爲念爲文不襲常徑多取法於先輩大家小試輒不利與同社共相砥礪讀書稍暇留心詩賦尤嗜填詞歌曲以自鳴其意戊午下帷別墅書聲五夜不絕左右皆憐之竟不第有半世無成愧老親之句人以爲不祥年二十五而卒

新鄉縣志

王兆鰲字龍章邑 生有孝友稱貌渾樸而性明敏且勤學家貧缺膏火以炷 照讀善屬文嘗供道署灑掃北海田兵巡一見器重拔爲門下士旋補博士弟子每試列前

茅顧數奇屢躋場屋生平重廉節無片紙入公門指授徒成名者數十人不責謝并不計修脯尤工法書一時屏幛碑匾多出其手論者謂汲自蔡國泰郭俊士張雲子後惟兆鰲爲能繼之

汲縣志

林捷字聯元汲縣人性穎異篤行嗜學爲文不事雕繪以發明儒先爲主雍正丙午舉於鄉時競尙排偶自捷獲雋風氣爲之一變壬子湖北鄉試檄充同考官所得多名下士後選廣東陽春縣令以年老改禹州學正造士有道多所成當雍正癸卯歲衛郡旱荒奉 旨賑恤郡守知捷賢令勸賑事捷悉心籌度務使實惠及民賴以存活者甚衆

衛輝府志

卷三十二

文苑

十五

鄉人德之

採訪事實

景鴻賓字仲儀汲縣人御史考祥子少穎悟善詩工書以能文名於時爲宮詹陳公浩高第弟子己卯舉於鄉丙戌成進士賓雖生長貴介家無擔石恒以硯田自給常主鄭州彰德書院善於啟迪教後學以大雅爲宗不事險怪一時學者奉爲圭臬云

採訪事實

關輝祚字耀先淇縣人歲貢生品行端正學識深邃重於鄉黨順治十六年應邑侯聘纂修淇志廣羅深究以是非爲主持稱一邑之信史焉

採訪事實

武功

戰國

吳起衛人好用兵嘗學於曾子仕於魯齊人攻魯魯欲將起而起娶齊女疑之起遂殺妻以明不與齊魯卒以爲將而攻齊大破之或惡之曰起猜忍人也於是魯君疑之謝起起聞魏文侯賢欲事之文侯問李克曰吳起何如人哉克曰起貪而好色然用兵司馬穰苴不能過也於是文侯以爲將擊秦拔五城起之爲將與士卒最下者同衣食臥不設席行不騎乘親裹贏糧與士卒分勞苦能得士心乃以爲西河守以拒秦韓文侯卒起事其子武侯浮西河而下中流顧而謂起曰美哉山河之固此魏國之寶也起對

衛輝府志

卷三十二

武功

十六

曰在德不在險若君不修德舟中之人盡敵國也武侯曰善卽封起爲西河守有聲後懼罪去之楚楚悼王素聞起賢至則相楚明法審令捐不急之官廢公族疏遠者以撫養戰鬪之士要在強兵破馳說之言從橫者於是南平百越北并陳蔡郤三晉西伐秦諸侯患楚之強故楚之貴戚盡欲害起及悼王死宗室大臣作亂而攻起起走之王尸而伏之擊起之徒因射刺吳起并中悼王所著有吳子兵

法三卷

國策

苟變爲衛將初子思言變於衛侯謂其材可將五百乘公曰吾知其可將然變嘗爲吏賦於民而食人二雞子故弗

用也子思曰夫聖人之官人猶匠之用木也取其所長棄其所短故杞梓連抱而有數尺之朽良工不棄令君處戰國之世選爪牙之士而以二卵棄干城之將此不可使聞於鄰國也公再拜受教

通鑑

魏

樂 字文 陽平衛國人也容貌短小以膽烈從太祖由帳下吏累立戰功封廣昌亭侯食邑千二百戶又以進數有功分五百戶封一子列侯進遷右將軍薨諡曰威侯子綝嗣果毅有父風官至揚州刺史諡曰愍子肇嗣

三國志

宋

衛輝府志

卷三十二

武功

十七

江夷字茂遠祖晉護軍將軍父訖驃騎諮議叅軍夷少自藻厲爲後進之美宋武帝拔爲鎮軍行叅軍預討桓玄事累遷大司馬右僕射夷美丰儀善舉止歷任以和簡著

宋書

列傳

江悅之字彥和好讀兵書有將畧仕宋歷諸王叅軍入梁以討劉季連功進冠軍將軍卒贈梁州刺史追封安平縣子諡曰莊子二文遙少有大度輕財好士士多歸之襲父封拜咸陽太守文遠善騎射勇於攻戰以軍功位中散

夫龍驤將軍

考城縣志

隋

韓擒虎字子通父雄以武烈知名仕周至大將軍擒虎少慷慨以膽畧見稱又好書經史百家皆畧知大旨仕隋以功爲部督遷和州刺史開皇初高祖有吞并江南之志以擒虎有文武才夙著威名於是拜爲廬州總管委以平陳之任甚爲敵人所憚及大舉伐陳以爲先鋒擒虎帥五百人宵濟襲采石進姑熟半日而拔及陳陳將任蠻奴爲賀若弼所敗棄軍來降擒虎以精騎五百直入朱雀門衆皆散走遂平金陵執陳主叔寶進位上柱國其後突厥來朝上謂之曰汝聞江南有陳國天子乎對曰聞之上命引突厥詣虎前曰此是執得陳國天子者虎厲然顧之突厥不

衛輝府志

卷三十二

武功

十八

敢仰視有威容如此別封壽光縣公食邑千戶拜涼州總管俄徵還無何卒子世諤嗣個儻有父風

隋書列傳

唐

劉政會胙城人漢河間獻公劉德後父播居胙生政會隋大業中爲太原鷹揚府司馬以兵隸高祖麾下王威等旣貳秦王欲先事除之遺政會爲急變書告其反時募士已集乃執威等囚之然後舉兵政會功也大將軍府建爲戶曹叅軍遷丞相府掾武德初授衛尉少卿留守太原調輯戎政遠近懽服會劉武周寇并州晉陽豪傑舉應之會爲武周所擒每密表賊形勢旣平復官爵歷光祿卿

國公貞觀初轉洪州都督卒太宗手詔政會昔預義舉有殊功葬宜異等於是贈氏部尚書諡曰襄後追徙國子

彥意襲爵

唐書列傳

崔寧衛州人初名旰因佐嚴武平兩川有功後賜今名寶應初爲利州刺史累遷尚書右僕射時朱泚亂德宗出幸奉天寧謂所親曰上從善如轉規但爲盧杞所惑爾杞聞而譖殺之中外爲之稱冤

唐書列傳

宋

馮守信字中孚貌岐嶷有大志從太宗征討有功累官神龍衛四廂都指揮使出知定州時河決滑州天子以爲憂

衛輝府志

卷三十二

武功

十九

問誰可使守信自言少長河上知河利害詔以守信爲觀察使知滑州治河功成天子賜書獎諭詔還領步軍如初已而遷威塞軍節度使追封魯國公

滑縣志

陳興常從太宗征河東幸幽州累遷天武軍指揮使李繼隆薦其才召補御龍弩直都虞侯眞宗時歷知霸滄等州遷鎮戎軍部署俄與秦翰曹瑋掩擊番寇斬獲甚衆詔褒美之興起行伍有武畧所至頗著聲績官至登州防禦使

滑縣志

李師中字城之父緯涇原都監夏人入犯緯帥兵出戰別將郭志高逗遛緯坐責降師中年十五詣宰相辨父無罪

由是知名第進士龐籍辟知洛川縣遣有罪者歸耕令農隙自詣租稅皆先期而集累遷提點廣西刑獄交 叛命師中攝帥事爲草六榜揭境上披露其情遂不敢動邊人畫像立祠事之熙寧初官至天章閣待制河東轉運使卒年六十六師中負氣節好議論爲帥持重總大體居官不尙威罰以信服人去之日民擁道遮泣至馬不能行尤善知人包拯爲叅政或言朝廷自此多事師中曰包公何能爲今知鄆縣王安石眼多白甚似王敦他日亂天下必斯人也後果驗

宋書列傳

張昭允衛州人善筆札習射曉音律初以父蔭試大理寺

衛輝府志

卷三十二

武功

二十

評事端拱初爲雄州監軍擊敗契丹景德中累遷右神武

將軍

舊府志

元

李宥以勇武才力選用巡鎮邊隅有功授鎮撫累立戰功

歷轉武義將軍武節將軍 本州軍事判官治聲甚美尋

以破徐邳 邑功加宣武將軍又晉本郡節度同知有孫

斌者得心疾持刃傷宥臂宥

狀釋之以姪英襲爵

滑縣志

張繼侍御傑子登宏治己未科進士歷任湖廣僉事叅議副使累有平盜及苗軍功特賜表裏進階大中大夫資治

尹子衍瑞自有傳行慶正德辛未進士選庶吉士授檢討陞修撰出補叅政累遷至兵部侍郎所在皆有善政孫新嘉靖間以明經任岢嵐知州居官稱廉幹有爲

汲縣志

阮吉榆社教諭景子宏治己未進士任監察御史以剪除回寇有功進階大中大夫資治少尹

汲縣志

楊其波兩登武魁授撫院中軍勤王北上逃兵作亂旋即掃平陞嵩縣守備加遊擊統軍南征有功陞山東都司僉事年八十卒

考城縣志

陳玉字德輝宏治庚戌進士任直隸靈壁縣知縣治行稱最選授浙江道監察御史累有建白爲時所重出按福建

衛輝府志

卷三十二

武功

二十一

風裁赫然值延寇嘯聚設機蕩平捷聞孝宗嘉其功賜衣一襲正德初以事忤逆瑾謫湖廣布政司照磨旋擢令會稽又八月陞四川按察司僉事以母老不赴既歸杜門謝客非公事未嘗至公府人高其行後以撫按保奏欲擢用之辭不起卒祀鄉賢

輝縣志

方伎

周

師襄善琴作七十二調八百九十曲爲孔子師

師曹三十九引定六十七調以謁衛靈公所製琴名鳳唳

秦善鼓琴所作琴名鳳舌所作曲名霜夜鴻

漢

京房字君明治易師事梁人焦延壽其說長於災變分六十四卦更直日用事以風雨寒溫爲候占驗尤精初元四年以孝廉爲郎永光建昭間西羌反日蝕又久青無光陰霧不晴房數上疏所言屢中天子悅之數召見房奏考功課吏法朝臣皆以房言煩碎不可許數因災異指陳時政得失石顯輩嫉之出爲魏郡太守治郡有聲房請歲竟乘傳奏事天子許焉後顯誣房與張博通謀誹謗政治歸惡天子註誤諸侯房博皆棄市房本姓李推律自定爲京氏

前漢書
列傳

衛輝府志

卷三十二

方伎

二十二

唐

傅仁均善歷筭推步之術武德初召令改修舊歷仁均上陳七事經數月歷成奏上號曰戊寅元歷上覽之稱善授

太史令

滑縣志

崔瓘精內經王季友贈以詩

滑縣志

薛頤善天步律歷太宗爲築臺觀九峻山號曰紫府拜大中大夫往居之太宗將封泰山慧星見頤言臣商天意陛下未可東遂止每所上災祥與李淳風同

唐書列傳

尙獻甫善占候武后召見擢太史令辭曰臣梗野不可以事官長後改太史局爲渾儀監以獻甫爲令不隸秘書省

數問災異又於上陽宮集術家撰方域等篇長安二年熒惑犯五諸侯獻甫自陳五諸侯太史位臣命納音金也火金之仇臣且死后曰朕爲卿厭之遷水衡都尉謂曰水生金卿無憂矣至秋果卒后嘆異之復以渾儀監爲太史局云

唐書列傳

元

張從正字子和精於醫輯爲一書凡十四卷名曰儒門事

親

考城縣志

明

李承寶號信齋素喜談兵有狼居胥志撫院本兵嘗欲

衛輝府志

卷三十二

方伎

二十三

聘之大用不果採覽圖誌善推驗如響尤於脉理每危疾諸醫斂手寶至輒起之然性耿介富貴家不樂往里巷貧窶招之乃趨往與之金不受短衣曳杖自若也著有醫卜閒談諸書後以歲貢授靈山衛教授終焉

新鄉縣志

岳燦字大文醫學訓科習素間難經劉張諸家書診切若有神尤工手搏之術洞知百病由全活甚衆

新鄉縣志

底義長於陰陽風水之術選地一區告其子曰陽拱而陰向美哉土也吾老可葬於斯比卒果葬其地後生孫蘊官

至都御史

考城縣志

國朝

孫奏雅字君協徵君次子具肆應才初受業於鹿忠節之門稱高足有聲庠序旋以徵君衰年多病留心醫藥取古人傳書力精探討凡陰陽氣運剛柔秉負及切脉察理藥性君臣無不觸類旁通遂精其術曰錄古人諸方參酌己意得三十卷名曰醫學宗傳六十後猶廬墓三年每以孝弟力田爲孫曾誠勉年八十八歲卒

輝縣志

耿宮中明南京應天府推官耿彥宏九世孫家世業醫宮中尤專精邑孝廉劉允掄忽患喉瘡面腫如斗數日不食衆醫束手手中曰此疔毒也投以藥立愈子世祿亦能世其術年八十餘強健如少壯著有經驗簡便方醫方分類等書

衛輝府志

卷三十二

方伎

二十四

滑縣志

王昌基忠厚積善老而彌篤一鄉奉爲儀型明於稼穡因

公舉農官

滑縣志

魏秉公忠厚老成德望素著明於農事公舉農官勸課精

勤邑人利之

滑縣志

耿世祿醫士宮中之子爲人誠樸謙謹亦業醫以濟人爲

心壽八十親覲

天顏鄉里榮重

滑縣志

甯士均號季和世籍燕邸父任蕭山令卒於官遂家於輝兄弟三人士均年最少少孤以母善病乃孫奏雅受岐黃術若夙慧然人有以病至者每愈以族伯寓

鎮往依焉壺隱市中寒暑風雨不避且貧不計利愈不責謝負不責償並不登籍計有以藥資至者不知爲誰氏亦不問幾何也性至孝以母老還輝居母喪幾滅性長兄年逾八旬士均問寢視膳爬搔撫摩人服其友恭持身端謹與物謙和從未見有疾言厲色八十一歲卒

輝縣志

王若春字孟和廩生讀書能文幼遇異人授以五運六氣十二經絡之秘及證治諸方治病刻期斷死生遂名於時當事者多禮致之嘗減息通人緩急然晚而所殖益厚子若孫俱世其業有名庠序

新鄉縣志

楊汝梅字小鶴少聰穎瀏覽岐黃術能切脈刻期斷生死

衛輝府志

卷三十二

方伎

二十五

且煉形服氣晚年得方外旨

新鄉縣志

郭武銘字清也遇熙孫爲邑諸生積學不遇母善病遂究心岐黃家言久之療人多奇驗獲嘉令朱體晉延治母厲病投劑立效厚酬之不受子泓少年能文章乾隆丁卯以

易經魁於鄉

新鄉縣志

李世道字四瞻淇縣人事母孝家雖貧甘旨不缺後習醫精其術全活甚衆年七十九猶強健人以爲德報云

採訪事實

李廷階考城縣人精岐黃經其醫者應手立痊邑令張勗

匾獎之

採訪事實

張蓉考城縣人原任黃平吏目通六壬占驗奇中妻死安

厝硃書一磚暗置棺後十餘年蓉故子等啟母壙合葬取
磚視之卽蓉卒葬年月日也其術之精有如此者

採訪事實

左楨延津縣人工南苑畫凡花草山水人物無不精妙尤

善畫石方圓大小隨筆所至皆有生氣人咸珍之

採訪事實

李序禮延津縣人精岐黃術有人謬爲有疾就診之序禮
慘曰疾不可爲也至夜半死矣其人怫然去俄而疾作至
夜半果死又有已死將殮者序禮適至其家視之曰無怖
卽當生以藥灌之遂霍然起其他奇異甚多人擬之太倉

公秦越人云

採訪事實

耆老

衛輝府志

卷三十二

方伎

二十六

明

蕭梅自始祖蕭少護以下俱以長子理家內外無閒言萬
歷十年梅父佃業以六世同居詔給冠帶至梅七世矣縣

大夫延爲鄉賓奉旨建坊

濬縣舊志

國朝

李子玠新鄉縣人事繼母以孝聞持已以敬待人以和撫
幼弟弱妹曲盡友愛子四人孫九人曾孫四人元孫一人

五世同堂與妻黃氏俱年九十

採訪事實

關世福獲嘉縣人年一百三歲

採訪事實

劉元祿獲嘉縣人年一百二歲

採訪事實

王承儉考城縣人壽一百零二歲曾元繞膝邑令張匾其

門曰五世重輝 採訪事實

朱鎧考城縣人原任南召教諭現年九十八歲 採訪事實

王得才考城縣人現年九十五歲 採訪事實

衛輝府志

卷三十一 耆老

二十七